



COMUNU DE CERÀXIUS

(Tzitadi Metropolitana de Casteddu)

**OGETU: STRINTURAS INTERINAS A SA FRIMADA DE VETURAS ME IS
BIAS SAN SALVATORE E SANT'OLIMPIA PO TRABALLUS ÈDILIS
PRIVAUS**

ORDINÀNTZIA DE SU DIRETORI D'ÀREA N.7 DE SU 26/01/2021

SU DIRETORI DE S'ÀREA 07

Biu su decretu sindacali de su 18/03/2020 prot. n. 11372, chi funt entregadas a su Ten. Col. Dot. Marco Cantori, Cumandanti de sa Politzia Locali, is funtzionia dirigentzialis de Diretori de Àrea 07 Politzia Locali e Atividadis Produssidoras;

Bia s'istantza prot. n° 53372 de su 29/12/2020 entregada po parti de Angelo Murenu, a is àutus identifcau mellus, chi punnat a arriciri unu proibimentu interinu de frimada in sa bia San Salvatore de su civicu 61 finsas a su civicu 63 e in sa bia Sant'Olimpia de su civicu 101/ A finsas a su civicu 103, po permiti, in seguresa, sa cumpridura de is traballus de manutengu straotdinàrius de su sistema pluviali de sa crobatura de sa domu chi ddoi est in su civicu 76 de sa bia San Salvatore;

Bia sa autorizatzioni a s'ocupatzioni de su spràtziu pùblicu entregada in sa dii 26/01/2021 de s'Àrea 05 de su Comunu de Ceràxiu a profetu de Angelo Murenu;

Cunsiderau de depi permiti cussu pediu;

Biu s'art. 107 de su Decretu Legislativu 18 de Austu 2000, chi narat su "Testu Ùnicu apitzus de s'ordinamentu de is Entis Localis";

Bius is artt. 7 e 21 de su Decretu Legislativu 30 de Abrili 1992 n° 285, chi narat su "Còdixi de s'Arruga Nou" e su D.P.R.16 de Mes'e Idas 1992 n° 495 chi portat su "Regulamentu de faidura e cumpridura de su còdixi de s'arruga nou";

CUMANDAT

po sa dii 29 de Gennàrgiu 2021 de is oras 08.00 finsas a is oras 13.00, s'istitutzioni de su proibimentu interinu de abarrada cun pinnigadura de totus is veturas in ambus duus is ladus de sa bia San Salvatore in su tretu imbordigau intre su civicu 61 e su civicu 63 e de sa bia Sant'Olimpia in su tretu imbordigau intre su civicu 101 e su civicu 103, aforas de is automesus imbordigaus me is traballus de manutengu straordinàriu de su sistema pluviali de sa crobatura de sa domu chi est a su nùmeru 76 de sa bia San Salvatore.

Su sinnori Angelo Murenu, est incarrigau de sa cuncordadura de sa sinnalètica sighendi is maneras previdias de su D.P.R. 16 de Mes'e Idas 1992 n° 495 chi tenit su "Regulamentu de faidura e cumpridura de su Còdixi Nou de s'Arruga", in manera particolari:

- **Sa sinnalètica interina de proibimentu de abarrada at a depi èssiri posta cun unu antètzipu de a su mancu 48 oras respetu a sa balidesa sua;**
- **at a depi straviai acotèssius de perigulu po sa sarvesa pùblica;**

Su Responsàbili de su Procedimentu at a depi coidai de sa cumpridura de is tareas sighidoras, intre is calis s'imbiu de custa ordinàntzia a su pedidori, a s'Ufitziu Comunali

Notificaduras, po dda publicai in s'Albu de su Comunu, a is Diretoris de is Àreas imbordigadas, a su Cumandu de sa Politzia Locali e a su Cumandu Statzioni Carabineris de Ceràxius.

Is Ufizzialis e a is Agentis de Politzia Stradali, cunforma a s'art. 12 de su Decretu Legislativu 30 de Abrili 1992 n° 285, chi amostat su Còdixi Nou de s'Arruga; e totus is sugetus imbordigaus de manera istitutzionali, ant a depi traballai po castiai su scrucullu e sa averiguadura de sa cumpridura de custa ordinàntzia.

INFORMAT

a is interessaus chi:

- su Responsàbili de su Procedimentu est su Majori Antonio Milia;
- cunforma a s'articulu 3, comma 4 de sa Lei 7/08/1990 n° 241, cuntra de custa ordinàntzia funt amitusu recursu a su Tribunali Aministrativu de Sardinnia aintru de 60 diis cumintzendi de sa dii de sa notificatzioni o de sa connoscèntzia prena de su provedimentu, o puru recursu straordinàriu a su Cabu de su Stadu, aintru de 120 diis cumintzendi de sa dii de sa notificatzioni o de sa connoscèntzia prena de su provedimentu.



Su Diretori Àrea 07
Ten. Col. Dot. Marco Cantori